



N° 6146
Reçue le 05.05.2022
Déclarée recevable
Président de la Chambre des Députés
(s.) Fernand Etgen
Luxembourg, le 05.05.2022

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, , den 05/05/2022

Här President,

**Sou wéi den Artikel 80 vun eisem Chambersreglement et virgesäit, bieden ech
lech, dës parlamentaresch Fro un d'Ministesch fir Finanzen weiderzeleeden.**

An der Fro Nummer 5904 hunn d'Piraten d'Ministesch op déi schwiereg Situatioun vu
Persounen opmierksam gemaach, déi vun enger Zwangsandriewung vun der
Steierverwaltung betraff sinn. Et ass allerdéngs esou, dass et och Leit ginn, déi net vun
enger Zwangsandriewung betraff sinn, mee déi awer eng héisch Schold vis-à-vis vun der
Steierverwaltung hunn.

An deem Zesammenhang wéilt ech der Ministesch dës Froe stellen:

1. Wéi vill Steiererklärungen vu Privatpersoune aus dem Joer 2019 a virdrun sinn nach
net clôturéiert ? Kann d'Ministesch dës Zuele pro Steuerbüro opschlësselen?
2. A wéi ville Fäll gouf an deene leschten 10 Joer een Decompte vun der Administration
des contributions directes (ACD) opgestallt, dee méi héisch wéi 50'000 € war?
3. A wéi ville vun dëse Fäll hunn déi Betreffen mat der ACD ee Plan de paiement
opgestallt? Wat fir Zënse ginn dee Moment gefrot a vun wat ass d'Héisch vum dësen
Zënse ofhängeg?
4. Am Fall wou een Decompte vun enger Steiererklärung fir Privatpersounen vun enger
Réi Joeren zesummen gemaach gëtt, kann et zu Situatiounen kommen, wou Feeler
vun de Contribuabel eréicht ganz spéit opfaalen. Feeler, déi déi Persounen éischter
hätte kënnen verbesseren, wann den Decompte éischter komm wier.

Wéi geet d'Verwaltung mat dësen Fäll ëm? Gesäit d'Ministesch hei eng
Matverantwortung vun der ACD?

5. Am Fall, wou een Decompte vun méi Joeren zesummen gemaach gëtt an héisch
Montant nozebezuele sinn, kann et zu prekäre Situatiounen fir déi betraffe Persoune
kommen.

Wéi loosse sech esou grouss Zäitversetzungen am beschten vermeiden? Denkt
d'Ministesch, dass hei weider Efforten neideg sinn, fir sécherzestellen, dass all



www.piraten.lu

Steiererklärung an engem raisonabelen Delai vun maximal 2 Joer clôturéiert gëtt?

Mat déiwem Respekt,



CLEMENT Sven

Député



www.piraten.lu



**Äntwert vun der Finanzministesch Yuriko Backes op d'parlamentaresch Ufro n°6146 vum 5. Mee 2022
vun dem honorabelen Deputéierte Sven Clement iwwert d'Steierschulde vis-à-vis vun der
Steierverwaltung**

A senger parlamentarescher Ufro stellt den honorabelen Deputéierten eng Rëtsch Froen, déi d'Steierschulde vu Privatpersounen vis-à-vis vun der Steierverwaltung betreffen.

Stand Enn Abrëll 2022 ware 7,91 Prozent (24 394 Dossieren) vun den Akommessteiererklärungen vu Privatpersounen vum Steuerjoer 2019 nach net besteiert. Fir d'Joer 2018 läit den Taux bei 2,93 Prozent (8 728 Dossieren) an fir 2017 bei 0,39 Prozent (922 Dossieren). Et ass an deem Kontext ervirzehiewen, datt sech dës net-clôturéiert Dossieren zesummesetzen aus Deklaratiounen, déi nach net eragereecht gi sinn, oder awer ereischt kierzlech oder mat vill Retard vum Contribuabel agereecht goufen. Et kann sech och em Dossieren handelen déi sech an der Instruktiounsphas befannen.

Pro Joer erfält am Duerchschnitt bei approximativ 3 500 Dossieren eng Steierschuld, déi méi héich ass wéi 50 000 Euro, dës virun ofzéie vun eventuell geleeschten Avancen.

All Contribuabel huet d'Méiglechkeet no enger Besteuerung, a virun der Echeance vun dëser Besteuerung, duerch eng motivéiert Demande, een *Délai de Paiement* ouni Zëssen (*Délai de Paiement* bis zu 4 Méint) oder een *Délai de Paiement* mat reduzéierten Zëssen (*Délai de Paiement* tëscht 5 Méint an 12 Méint: 0,1 Prozent pro Mount oder *Délai de Paiement* tëscht 13 Méint bis 3 Joer: 0,2 Prozent pro Mount) beim Steierbüro unzufroen. D'Héicht vun den Zëssen déi pro Mount berechent ginn hängkt also vun der Lafzäit vum *Délai de Paiement* of.

An de Joer 2017 bis 2021 sinn insgesamt eng ronn 17 000 Demande positiv beäntwert ginn.

Den Undeel vun Dossieren vu Privatpersounen déi an de Kalennerjoren 2020 an 2021 simultan méi Ofrechnungen notifiéiert kritt hunn an déi gesamt Steiercote, no Kompensatioun a viru bezuelten Avance, méi héich ewéi 10 000 Euro fixéiert ginn ass, läit bei 0,11 Prozent vun der Gesamtzuel vun de Steierdossieren. Am Kader vun der Instruktioun gëtt all Steiererklärung op d'Richtigkeet vun den deklarierten Donnéeën iwwerpréift an eventuell Irregularitéiten verbessert. Bei der Zoustellung vum Bulletin ginn dem Contribuabel déi applikabel Rechtsmëttel matgedeelt.

Duerch eng konsequent Erhéijung vun der Personaldecken iwwert déi lescht Joer, sinn d'Retarde bei de Besteuerungen méi geréng ginn, eng positiv Evolutioun déi och ënner anerem, duerch d'Aféiere vun der elektronischer Steiererklärung vun de physischen Persounen gedroe wäert ginn.

Lëtzebuerg, den 7. Juni 2022

D'Finanzministesch

(s.) Yuriko Backes